

STIFTINGA BRØRVIKSKUTO

Org.nr. 984 711 379, Bankkontonr. 3632.59.69975

Styreleiar Anne-Mari Hannisdal, Osterøy Museum, Gjerstad, 5282 Lonevåg, mob. 99522014

Epost: Anne-Mari.Hannisdal@muho.no**Lagring av Dyvikabåtane**

Lonevåg, 28.05.2017

Den 12.09.2012 gav Nils Dyvik dei to Dyvikabåtane vederlagsfritt til Vaksdal kommune på to vilkår:

1. Båtane skulle takast vare på i Skutenaustet til Brørvikskuto på Kvamsholmen
2. Dersom det vert endra drift på Kvamsholmen, vil Dyvik at båtane skal plasserast ein annan stad. Omplasseringa må avtalast med han på førehand.

Avtalen som er underskriven av Nils Dyvik og kultursjef Kristin Myrmel er vedlagt. Det er ikkje laga avtale mellom Vaksdal kommune og Stiftinga Brørvikskuto som gjeld Dyvikabåtane.

Dyvikabåtane er i dag lagra i eine enden av Skutenaustet. Dette er eit ope grindverksbygg. Når det regnar og bles driv det vatn inn over båtane. Dette medfører at dei to båtane ikkje vert bevart. På sikt vil vind og vatn føra til at dei vert øydelagde. Dette er ikkje forsvarleg og Stiftinga Brørvikskuto kan ikkje ta ansvaret for båtane slik situasjonen er no. Skutenaustet si primære oppgåve er vinteropplag av Brørvikskuto. Det er ikkje mogeleg å sikra Dyvikabåtane mot vind og vatn der dei ligg no.


Dersom stiftinga Brørvikskuto skal kunna ta vare på Dyvikabåtane i Skutenaustet må dei plasserast på loftet i bygget. Dette medfører byggjearbeid som mellom anna gjeld forsterking av konstruksjonane i grindverksbygget. Dette er mogeleg å gjera utan å øydeleggja særpreget til bygningen, men det er relativt kostesamt. Stiftinga har innhenta kostnadsoverslag over materialar og arbeid frå tømrrar Knut Helge Kulshamar. Overslaget er vedlagt dette brevet.

Stiftinga Brørvikskuto søker Vaksdal kommune om kroner 125 000,- til bygging av andre etasje i Skutenaustet. Stiftinga vil, saman med Skutefolket, utføra dugnadsarbeid for kroner 64 000,- for å få gjennomført prosjektet.

I Plan for kulturminneplan Vaksdal kommune 2015-2018 er det sett stort fokus på båttradisjonane og -kulturen i kommunen. Me i Stiftinga Brørvikskuto tykkjer det er viktig å ta vare på desse Dyvikabåtane, og me håpar kommunen imøtekjem søknaden vår.

Dersom søknaden ikkje vert stetta, ber me om at eigaren av Dyvikabåtane, Vaksdal kommune, tek kontakt med Stiftinga Brørvikskuto og Nils Dyvik, slik at me saman kan koma fram til ei løysing som sikrar at båtane vert tekne vare på i samsvar med kontrakten mellom Nils Dyvik og Vaksdal kommune.

Med helsing



Anne-Mari Hannisdal

Styreleiar Stiftinga Brørvikskuto